

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspeksijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

1573

Bosnia and Herzegovina
Federation of Bosnia and Herzegovina

CANTON SARAJEVO
Cantonal Administration for Inspection Issues

Broj: 14-02-05-02483/19
Sarajevo, Juli 05.2019. godine

Bosna i Hercegovina
Federacija Bosne i Hercegovine
KANTON SARAJEVO

PRIJELJENO:		- 8 - 07 - 2019	
Šifra predmeta	Klasifikaciona oznaka	Redni broj	Drež priloga
011	05	18645-3	3

18

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
SARAJEVO
n/r, predsjedavajućeg, Elmedina Konakovića

Predmet: *Odgovor na zastupničko pitanje broj: 01-05-18645-3/19 od 14.05.2019. godine i zastupničko pitanje broj: 01-05-23146-57/19 od 20.06.2019. godine postavljeno od strane zastupnika Igora Stojanovića - dostavlja se;*

Kantonalna uprava za inspeksijske poslove Kantona Sarajevo, dana 27.05.2019. godine zaprimila je zastupničko pitanje postavljeno od strane zastupnika Igora Stojanovića na Osmoj radnoj sjednici Skupštine Kantona Sarajevo, održanoj dana 14.05.2019. godine u okviru tačke Dnevnog reda "Poslanička /zastupnička pitanja, inicijative i odgovori " a u skladu sa Poslovníkom Skupštine Kantona Sarajevo koje glasi

" Klub SDP-a je obavješten od građana da se divlja gradnja u okviru vodozaštitne zone izvorišta Sarajevsko polje nastavlja i dalje, te molim Vladu KS, Ministarstvo privrede, te kantonalnog vodnog inspektora koji prema Zakonu o vodama Kantona Sarajevo ("Sl.novine Kantona Sarajevo" broj: 18/10 i 43/16) i to čl. 69. i 75. vode brigu o vodozaštitnoj zoni da



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

nas obavijeste o stanju gradnje unutar vodozaštitne zone i poduzetim mjerama, a ministra privrede molim za usmeni odgovor kakvo je stanje ova Vlada zatekla po ovom pitanju, kakve je aktivnosti u vezi s ovim do sada poduzela, te koje aktivnosti planira sprovesti u budućnosti. Napominjem da je stanje alarmantno i da se hitne aktivnosti moraju poduzeti po ovom pitanju."

Kako na postavljeno zastupničko pitanje nije dostavljen odgovor u roku predviđenom Poslovníkom Skupštine Kantona Sarajevo ("Službene novine Kantona Sarajevo" broj: 41/12- Drugi novi prečišćeni tekst, 15/13i 47/13,47/15,48/16) na Devetoj radnoj sjednici Skupštine Kantona Sarajevo, održanoj dana 19.06.2019. godine, zastupnik Igor Stojanović postavio je slijedeće zastupničko pitanje:

"- Molim Kantonalnu upravu za inspekcijske poslove, Inspektorat poljoprivredne, vodne i šumarske inspekcije da mi dostavi informacije o poduzetim inspekcjskim aktivnostima koje se tiču vodozaštitnih zona izvorište Sarajevsko polje, da li su uočene određene nepravilnosti?

- Molim da mi se dostave detaljnije informacije budući da u Izvještaju KUIP-a za 2018. godinu informacije po pitanju vodozaštitne zone se ne spominju."

Na postavljeno pitanje, dostavljamo slijedeći

ODGOVOR :

Na lokaciji vodozaštitne zone izvorišta "Sarajevsko polje" vrši se zahvat vode u dva izvorišta i to: izvorište "Sokolovići" kapaciteta 300 litara/sekundi i izvorište "Stup" kapaciteta 150 litara/sekundi, zbog čega je nadzor shodno članu 139. Zakona o vodama ("Službene novine F BiH"; broj 70/06) u nadležnosti federalne vodne inspekcije.

Kantonalna vodna inspekcija raspolaže informacijama da je za spomenute vodozahvate Agencija za vodno područje rijeke Save izdala vodne dozvole koje vrijede do 27.08.2020.godine za izvorište "Sokolovići", odnosno do 31.12.2020.godine za izvorište "Stup".

Tačkama 3.7 gore spomenutih vodnih dozvola naloženo je korisniku vodozahvata KJKP "Vodovod i kanalizacija" doo Sarajevo, sprovođenje mjera sanitarne zaštite u skladu sa Odlukom o zaštiti izvorišta vode za piće u Sarajevskom polju ("Službene novine Grada Sarajeva"; broj: 2/87).

S obzirom da je ova Odluka donesena prije stupanja na snagu Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdjevanje stanovništva ("Službene novine F BiH"; broj: 88/12), korisnik KJP "Vodovod i kanalizacija" doo Sarajevo je bio dužan u roku od pet (5) godina od stupanja na snagu Pravilnika, tj. do 17.10.2017.godine, izvršiti usklađivanje postojeće Odluke sa odredbama toga Pravilnika, što još uvijek nije učinjeno.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Do dana sačinjavanja ove informacije postojeća Odluka nije usklađena sa odredbama gore spomenutog pravilnika, odnosno nije donesena nova Odluka o zaštiti izvorišta vode za piće u Sarajevskom polju.

Napominjemo, da shodno članu 42. tačka 5. Zakona o vodama Kantona Sarajevo ("Službene novine Kantona Sarajevo" broj:18/10, 43/16), Odluku o zaštiti izvorišta čije se zone sanitarne zaštite prostiru na području dvije ili više općina koje nisu na području Grada donosi Skupština.

Što se tiče poslaničkog pitanja u vezi gradnje unutar vodozaštitne zone izvorišta "Sarajevsko polje" napominjemo da je shodno Zakonu o prostornom uređenju ("Službene novine Kantona Sarajevo" broj: 24/17) kontrola gradnje objekata u nadležnosti općinske urbanističko-građevinske inspekcije.

S poštovanjem,

Dostaviti:

1. Predsjedavajućem Skupštine KS
2. Sekretaru Skupštine KS
3. Sekretaru Vlade KS
4. Arhiva



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb